

# Jään eo rej Lewaj Wonnen Jikuul

## TheWashboard.org

TheWashboard.org (<https://thewashboard.org>) ej juon website ejellok wonnen kin melele in jään eo rej lewaj wonnen jikuul. Mennin jibañ in elab joñan an aurök im mool ej kakoba rijikuul ibben ro rej lelok jään wonnen jikuul ilo State eo an Washington.

- Ej kapidodo laajrakin madmōdin ablikajon in jään wonnen jikuul ejab an kien ñan rijikuul ro.
- Melele ko an rijikuul ko kajojo rebañ ajeeded.
- Laajrakin melele in jään ko wonnen jikuul roktak im jibañ elōñ kōnaan im tōbrak ko an rijikuul.
- Juon mōttan jilu in jään ko wonnen jikuul emōj laajrak rej aikuj juon GPA in 3.0 ak eutiejlak.
- Elōñ jään ko wonnen jikuul rej bar kōkkāal, im melelein, kwōmaron tōbrak ñan an woñmaanlok aer lewaj jään eo wonnen jikuul.

## Melele ko ekkā ad lomnak mool ak ejab

**Riab: Elab kolla ko an jino im jema im ibañ maron tōbrak ñan jään in jibañ.**

**Mool:** Jään in Jibañ eo an Washington ñan Kaloj ekāal elablok an lelok jään ñan elōñlok rijikuul ñan katak ko relōñlok. Jekdoñ kwar jab maron tōbrak mokta, kwōmaron kiō!

**Riab: Ijab maron kateruru ñan jään in jibañ kinke ijab jelā ta eo inaj kōmmāne alikin high school.**

**Mool:** Kwōmaron kadedelok FAFSA ak WASFA eo am mokta jen am lelok jabdewot ablikajon in kaloj ak jikuul kin kapeel in jermal. Kwōnaj aikuj laajrake jab diklok jen juon jikuul ilo ablikajon eo am bōtab woñmaanlok im likūt aoleb jikuul ko kwōj lomnak kaki.

**Riab: Jään in jibañ eo ej kolla wōt wonnen university ko. Ej bōk emen yiō— Ij aikuj jino jermal kiō.**

**Mool:** Kwōmaron kōjberbal jään in jibañ eo am ñan elōñ kain jelālokjen, ekoba jikin jermal im jermal kapeel ko, kaloj ko an jukjukinbed, jet jermal ko kwōj bōk katak in kaminene, im aet, bar university ko. Ewōr jikuul ko kwōmaron kelet!

**Riab: Rikkure ro elab aer kapeel im rijikuul ro emmon joñan katak ko aer wōt rej bōk jään in jibañ.**

**Mool:** Joñan katak ko remmon ak ikkure ko remaron jibañ rijikuul deloñ ilo jet jikuul ko, bōtab elōñ burokraam in jibañ in jään an rijikuul rejab watoke kurat ak maron in ikkure ko an rijikuul.

**Riab: Ebin ebōk jään in jibañ, im ejellok jikin kwōmaron ebōk jibañ.**

**Mool:** Jikuul ko ilo state eo rej kōmman makūtkūt ko an jään in jibañ im rijikuul remaron bōk jibañ eo ejellok wonnen ilo aer kadedelok ablikajon ko. Koonjelor eo am emaron jibañ kwe bukōt juon makūtkūt iturim.

## Kein Kabōk im Jikin Melele kin Jään eo rej Lewaj Wonnen Jikuul

✓ <https://gearup.wa.gov/educators/scholarships>

✓ <http://getschooled.com/journey/get-to-college/scholarships-for-college>

✓ <https://www.scholarshipjunkies.org>

✓ <http://bigfuture.collegeboard.org/scholarship-search>

✓ [www.unigo.com](http://www.unigo.com)

✓ <https://scholarships360.org/>

✓ <https://www.fastweb.com/>

✓ [www.scholarships.com](http://www.scholarships.com)



## Kiō ta?

**Mokta jen am kateruru ñan jibañ in jään, kwōj aikuj kateruru ñan am deloñe jikuul ak burokraam ko kwōkōnaan.**

## Buñten ko Raurök ñan Senior ro

1. Kateruru ñan deloñ.
2. Kateruru ñan jään in jibañ.
3. Etale letā ko jikuul ko rej kwalok jemlok ko aer im lale oktak ko ilo letā ko rej kwalok joñan jään in jibañ rej lewaj.
4. Kōmmanē kelet eo am, kōjellaik jikuul ko.
5. Kadiwōjlak.
6. Kadeloñ etam im bed ilo ien bōk melele eo.

Bok eo kin Melele in Madmōd ko ñan Rijikuul Kein 12 Yiō in emaron kajinet kwe ilo madmōdin deloñ ko ilo kaloj im jibañ in jään. Bukōte im kein jerbla ko relablok ilo <https://gearup.wa.gov/students/apply-to-college>

## Mennin Jibañ ko

### Bebe ñan Jeklaj eo Am

Rijikuul in high school remaron lale jermal ko, madmōd ko ñan aer deloñ im bōk melele kin jään in jibañ. Lale <https://wsac.wa.gov/actionplan>


### Joñe joñan Jään eo rej lewaj ibben Kein Bōnōbōn Jään in Jibañ

Kōjberbal kein bōnōbōn jään in jibañ ñan lale joñan jään in jibañ eo kwōmaron loe. Lale <https://portal.wsac.wa.gov/a/aid-calculator>

### Melele Naan ko

Katak ta melelein naan ko. Jikin Bōk Melele in Naan an Kaloj ewōr ilo Kajin Belle, Russia, Somali, Spanish, im Vietnam. Lale <http://www.wcan.org/college-knowledge>

### Kebaak Otterbot

Hi Otter  Otterbot ej juon kein text ejellok wonnen ñan jibañ rijikuul ro ilo Washington kajinet jään in jibañ ñan kaloj im jelālokjen kin jermal. Rijikuul ro remaron loe Otterbot kin text majej 24 awa ilo juon raan, jilimjuon raan ilo juon wiik. Text ae “Hi Otter” ñan 360-928-7281. Bōk melele ko relablok ilo <https://wsac.wa.gov/otterbot>

## [www.gearup.wa.gov](http://www.gearup.wa.gov)

Kobban melele in kaajeeded in ear kōmman kin juon jään in jibañ jen Ra in Jelālokjen eo an Amedka. Bōtab, melele kein rejab lukkun kwalok kakien eo an Ra eo an Jelālok Department of Education (Ra eo an Jelālokjen), im kwōj aikuj jab kaju lomnak ke emōj an Kien eo an Federal kamool melele kein.



1

# Jään in Jibañ 101


Wāween am Kolla Wonnen Jelālokjen Alikin High School

# Pathways Alikin High School: Ewōr jikuul ko kwōmaron kelet!

Ta eo kim ej ba ñe kim ej kōjberbal naan eo kaloj? Kim ej kenono kin jabdewōt kain jelālokjen ak katak kaminene alikin high school.

Elōñ ekelel ko ñan rijikuul alikin high school ekoba *jerbal ko rej lelok katak in kaminene, tarinae, burokraam in katak ilo aer jerbal, beba in kamool jen kaloj ko ilo jukjukinbed, tikori ko an 2 yiō, im tikori ko an 4 yiō*. Naan eo kaloj ekoba aoleben men kein.

## Jelālokjen im Katak Kaminene Alikin High School Emmon Wonnen!



Jāān in jibañ eo an Washington ej make wōt emmontata ilo aelon in.

Wonnen ejab aikuj juon abañ ñan am kōtōbar ial eo am alikin high school.

Ewōr jāān ñan an jibañ kwe maron kolla wonnen.

**Elablok jen 80% aoleb rijikuul in kaloj rej ebōk jibañ in jāān ñan aer kolla wonnen kaloj.**

## JIBAÑ KIN JĀĀN

Jibañ kin jāān ej jāān ko ñan jibañ kolla wonnen kaloj im jikuul ko ikijen jerbal. **Jāān in ej itōk jen kien ko an federal im state, kaloj ko, university ko, paan ko, im doulul ko.** Ekoba jibañ ko einwōt grant ko, loon ko, work study, im scholarship ko. Ñan ebōk jibañ, kwōj aikuj kateruru.

Kateruru ñan jāān in jibañ ej juon madmōd eo ejenolok jen kateruru ñan deloñe juon jikuul ak burokraam. Kwōj aikuj kōmmāne buñten kein jimor. Kwōj aikuj kateruru ñan jāān in jibañ ilo am kōjberbal Ablikajon eo ñan Jāān in Jibañ Rijikuul an Federal Ejellok Wonnen FAFSA (Free Application for Federal Student Aid (Ablikajon in jibañ jen federal ñan jibañ rijikuul) ilo <https://studentaid.ed.gov/sa/fafsa>. Ñe ejab kwe citizen im kwōjab maron baele juon FAFSA kin jekjekin beba in immigration ko am, kwōj aikuj baele juon Ablikajon in Jāān in Jibañ an WASFA (Washington Application for State Financial Aid, Ablikajon ñan Jibañ in Jāān jen State eo an Washington) ilo <https://wsac.wa.gov/wasfa>

Kaloj ko renaj kōjberbal jemlok ko jen FAFSA ak WASFA ñan kōmmāne pakij in jāān in jibañ eo am aoleb yiō. Ej bellok FAFSA im WASFA online ilo Oktoba 1 aoleb yiō. Kajeoñ in kadedelok FAFSA ak WASFA iturinlok Oktoba 1 ñan joñan am maron ilo ien am senior ilo high school im aoleb yiō kwōj jikuul. Ewōr joñan jemlok in jāān in jibañ ko im kaloj ko ekkā aer lelok jāān ko ñan ro remōkaj.

## JIBAÑ AN RIJIKUUL JEN FEDERAL

Ra in Jelālokjen eo an Amedka (U.S. Department of Education) ej lelok elōñ jāān in jibañ an federal, loon an rijikuul, im jāān in jibañ ko jet ñan rijikuul ro rej bed ilo kaloj ko an jukjukinbed im jerbal kapeel, kaloj im university ko an emen yiō, im jikuul ko ikijen jerbal.

## JĀĀN IN JIBAÑ AN WASHINGTON STATE

Kobalok ñan jāān in jibañ eo an federal, Washington State ej lelok jāān in jibañ, jāān wonnen jikuul, im burokraam in loon ko. **Washington College Grant** ie burokraam in jibañ in jāān eo elab an lelok ilo aelon in. Armij ro jen aoleb joñan yiō im baamle ko edik im ebwe joñan kolla ko aer remaron tōbrak in ebōk jāān ñan kaloj, katak kaminene in jerbal, im jikin jerbal ko rej bōk kwōnaer in lewaj katak kaminene in jerbal. Enaj wor kamool an jāān eo etal ñan rijikuul ro remaron tōbrak. Juon rijikuul eo emaron tōbrak ej itōk jen juon baamle emen armij kobban im ej kōmmāne \$56,000 ak diklok ilo juon yiō enaj bōke aoleben joñan eo rej lelok. Ewōr jidikin jāān in jibañ koñan baamle ko rej kōmmāne joñan kolla eo an baamle ekkā ilo state, tarrin \$102,000 kajojo yiō.

**CBS (College Bound Scholarship, Jāān eo rej lewaj ñan am bojak in etal ñan kaloj)** ej juon kallimur ke wonnen jikuul kin joñan ko an kien, jet wonnen ko, im kōmelim eo edik ñan wonnen bok enaj kolla jen jāān in jibañ eo an state ñan rijikuul ro rej tōbare mennin aikuj in kallimur ko an burokraam eo. Rijikuul ro remaron tōbrak ilo Washington ej kaju bar deloñ ettaer ilo middle school.

Rijikuul ro remaron etal ñan elōñlok jen 65 university, kaloj, im jikuul ko kin jejjetin kapeel in katak ko. Ñan an juon maron bōke jāān eo jen College Bound Scholarship, rijikuul ro rej aikuj kōmmāne juon ian laajrak ko:

- Kadedelok aoleb mennin aikuj kin kallimur an jāān eo an wonnen jikuul im tōbare mennin aikuj ko ikijen jokwe ilo state eo.
- Kadedelok juon ablikajon in jibañ in jāān ilo ien aer senior ilo high school im kajojo yiō rej bed ilo kalj bwe ren maron loe ke reamron tōbrak ikijen kolla.
- Teru im maron bed ilo juon kaloj eo emaron tōbrak.
- En ejellok am likjab ibben kaloj eo aer. Mennin emaron GPA (Grade Point Average, Joñan Bōnōbōnin Katak eo Ekkā) ak bar juon kakien in mwil ikijen rijikuul im jejjet ñan kajojo jikuul.

## LOON KO

Remaron lewaj loon ko ñan am kelet einwōt mōttan jāān eo rej lewaj ilo jāān in jibañ jen jikuul ak burokraam eo kwōj bed ie. Loon eo an rijikuul ej jāān eo kwōj baro wonnen am jikuul, im kwōnaj karool lok iomwin ien. Ejab einwōt jāān in jibañ ak jerbal ilo jikuul kwōj aikuj karool lok wonnen loon ko am. Kwōjab aikuj bōk jabdewōt ak aoleb loon ko rej lewaj ñan kwe. **Ñan melele ko relabok im mennin jibañ ko kin loon ko an rijikuul ilo jikin rōjañ loon eo amim im an jikuul ilo <https://wsac.wa.gov/loan-advocacy> and <https://www.studentloaned.wa.gov/>**

## KAIN JIBAÑ KO



### Jāān in Jibañ ko

Kien ko an federal im state ekkā aer lelok jāān kein ñan rijikuul ro elabtata aer aikuj jāān. Kwōjab aikuj karool jāān ko ñe kwōnaj kōtōbrak am kadedelok kilaaj ko am. Waanjoñok, Pell Grant ej juon jāān in jibañ an federal ñan ro rej aikuj.



### Jāān in Jibañ Wonnen Jikuul

Doulul im jikuul ko rej lelok jāān kein kin joñan katak ko remmon, manit im kabun ko an rijikuul, ikkure ko aer im kapeel ko aer rej make wōt. Kwōjab aikuj karool jāān ko ñe kwōnaj kōtōbrak am kadedelok kilaaj ko am.



### Jerbal ilo Jikuul

Ej jibañ am ebōk kolla ñan kolla wonnen am jikuul ilo am jerbal kin jidik awa ilo jerbal eo rej lewaj ilo kaloj eo. Ewōr burokraam in jerbal ilo jikuul an federal, state, im jikuul eo.



### Loon ko

Loon ko an rijikuul rej lelok jen paan ko, kaloj ko, im jikuul ko jet im ekkā an diklok joñan orlok ko jen kain loon ko jet relōñ. Ejab einwōt jāān in jibañ ko an grant ak scholarship, loon ko rej aikuj bar karool lok wonneir kin orlok, jekdoñ kwōjab kadiwōjlok.



## Ta in juon Kallimur in CBS?

- Kadiwōjlok jen juon high school ilo State eo an Washington State ak juon burokraam in jikuul ilo imōn jokwe kin joñan katak eo kin 2.0 GPA ak eutiejlok.
- Ejellok ruem kin rubrub kakien.
- Kateruru ñan jibañ in jāān ilo am kadedelok FAFSA ak WASFA jino jen yiō eo kwōj senior.

# Jekjek ko rej make wōt?

Ñe kwōj kalikar kwe juon armij eo ejellok an beba in bed aelon in, bar juon eo ejab citizen, ak juon jodikdik ejellok imōn im ej make ian, kwōj ak kwar bed ilo kejbarok eo an foster, kwō GPA (Grade Point Average, Joñan Bōnōbōnin Katak eo Ekkā), im/ak ewōr am lomnak ko jet rej make wōt, jouj im lale <https://gearup.wa.gov/students/pay-for-college> ñan lale melele ko kin kaloj eo ekkar im burokraam ko ñan jibañ ial eo am im bōk melele kin wāween ñan bukōt jāān in jibañ eo emmontata.

## EJELLOK BEBA IN KWALOK AELON TA EO AER & IM RIJIKUUL RO JET REJAB CITIZEN

### WONNEN JIKUUL ÑAN RO REJ JOKWE ILO STATE EO

Kwōj aikuj juon eo ej jokwe ilo Washington ñan am kolla wonnen jikuul eo an state ak bōk jāān in jibañ eo an state. Citizen in Amedka im ro rejab citizen jimor remaron armij ro rej jokwe ilo Washington, ekoba rijikuul ro ejellok aer beba in kamool er jen ia. Ilo elōñ keij ko, juon armij ej jokwe ilo Washington ñe ej jokwe ilo state eo iomwin juon yiō kaju mokta jen an jino kaloj ak burokraam eo. Bōtab ewōr wāween ko jet juon armij emaron juon eo ej jokwe ilo state eo.

## JĀĀN IN JIBAÑ AN STATE

Rijikuul ro ejellok aer beba in kamool er jen ia im ro rejab citizen im rej tōbare mennin aikuj ko ikijen wonnen jikuul remaron tōbrak ñan burokraam in jāān in jibañ an State eo an Washington, elañe rejab maron tōbrak ñan jāān in jibañ eo an federal kin jekjekin beba in immigration ko aer. Kwōj aikuj tōbare kajojo burokraam im mennin aikuj ko ikijen kolla, kobalok ñan mennin aikuj ko ikijen jokwe ilo state eo, ñan Washington College Grant, College Bound Scholarship, State Work Study, im Passport to Careers.

## WĀWEEN AM KATERURU

Ablikajon in Jāān in Jibañ eo jen Washington (WASFA) ej ñan armij ro rejab bael ablikajon in FAFSA an federal. Armij ro rej kadedelok juon WASFA rej kateruru ñan jibañ eo an state. Elōñ wāween ko ñan bael juon WASFA im ejab juon FAFSA, ekoba ñe ejellok am beba in kwalok aelon eo am ak kwōjab juon citizen ak jinom im jemom ejellok aer beba in kwalok aelon eo aer ak ro uwaan baamle eo am rejab kōnaan baele juon FAFSA. Ñe kwōjab jelā ta ablikajon eo kwōn bael, kōjberbal kajitōk ko an WASFA ñan lale ilo <https://wsac.wa.gov/wasfa>

## JODIKDIK ILO KEJBAROK EO AN FOSTER

Ñe kwar bed ilo kejbarok eo an foster jabdewōt ien alikin an 13 am yiō, ewōr jāān im mennin jibañ ko ñan jibañ am woñmaanlok kin jelālokjen eo am – ekoba katak kaminene kin jerbal kapeel, ekelel ko an 2 im 4 yiō - ñan elōñ jikuul ko ilo Washington State. Elōñ burokraam in kabojak ñan kaloj im burokraam in jibañ in jāān ko rejjet ñan kejbarok in foster ñan kwe!

Lale melele ko relabok kin burokraam in jibañ in jāān kein, melele ko rekāāl, im mennin aikuj ñan maron tōbrak ibbeir ilo:

- <http://independence.wa.gov/>
- <https://gearup.wa.gov/students/pay-for-college>
- <https://gearup.wa.gov/file/fostering-college-knowledge-planning-paying-higher-education-youth-care>



## Ebōk Jibañ

Elōñ makūtkūt in Kōtōbar ko an Yiō 12 ibelakin state eo jen Oktoba mae Tjembera ñan jibañ rijikuul ro im baamle ko aer kateruru ñan jāān in jibañ.

Lale <https://wsac.wa.gov/12th-year-campaign> ñan bukōt juon makūtkūt im ebōk jibañ eo ebañ ajeeded melele ilo am kadedelok WASFA ak FAFSA eo am.